

ուած նշենինները իրենց խարոյկը դէմ են տը- ուել երկնքին, նկարիչը իր յուզումը արտա- յայտելու համար ասում է.—

— Զանգուի ափին թուփը հասել է: Զով, հիւթեղ եւ անուշ պտուղ է թուփը Հայաստա- նում: Ճերմակ մեղր է, բերանի մէջ հալուում է...

Ահա գալիս է դերասանը: Նրան տեսել եմ Պոլսում եւ տեսել եմ Փարիզում. փոխում է ըստ միջավայրի, զարմանալի ճկունութեամբ: Սեւացի, բանիմաց եւ վայելուչ: Հագել է հա- մեստ զգեստ, զսպուած ժպիտ, խոհեմ ձեւեր, ըստ պարագայի: Ծիծաղում է՝ ոչ շատ բար- ձրը, խօսում է՝ երբեմն, քաղաքավարի է՝ ոչ չափազանց, ինչպէս վայել է բանուորա-գիւ- ղացիական իշխանութեան տակ ապրող քաղա- քացիին: Զափազանց քաղաքավարութիւնը կարող է բուրժուական մտայնութեան հետե- ւանք լինել, իսկ նա ժողովրդական մասսաների հլու ծառան է եւ ուրիշ ոչինչ:

Բարձրանա՞նք: Մի վայրկեան եւս... Ա- հա վաղելով գալիս է ամերիկահայ մտաւորա- կանը: Շունչը կտրած, միշտ աղմկելով: Պո- սում է, կանչում, բարձրաձայն ծիծաղում: Կարճ տարատ, թաւիչէ ժաքէթ, a la b'ebe՝ շապիկ. կէս արտիստ, կէս որսորդ, կէս ըմ- բիշ: Լրագրող, վիպագիր, երգիծարան, լթա- տերագիր:

Բարձրանա՞նք:

«Իշխանը» դեռ քնած է: Պատշգամի մէջ մեծ մի սեղան եւ մեծ մի ինքնաեռ: Մի անկո- ղին, մօտը աթոռ, աթոռի վրայ ծխախոտի տուփ եւ երկաթէ մի մուրճ: Հազիւ ներս մը- տանք, վերմակը շարժուեց եւ դուրս ցցուեց մի գլուխ: Մագերը տակից խուզուած, կոլոր, մեծղի, հաստ գծերով: Մարդը բազուկը կար- կառեց՝ բարե՛ւ, վերմակը նետեց եւ ամբող- ջովին հագուած դուրս եկաւ: Ճարտարագէտ, հանքարան, այն որ Հայաստանի բոլոր քարե- բլուրներում է, ամէն տեղ եղել է, ամէն ինչ գիտէ: Ժպտաց եւ թէյ առաջարկեց:

Յետոյ մէկը միւսի ետեւից եկան —

Խորհրդային թերթի խմբագիրը, կեղծ ժպիտը երեսին, ոստոստուն, շինծու ընկերա- կան սրաբացութիւն ձեւացնելով, ամէնքի հետ մտերիմ, շատախօս, կոլոր եւ կարճ:

Ընկեր կոմիսարներէից մէկը՝ մարքսիզմը

խառնուած անորոշ զեղազիտական ձգտում- ների հետ: Զանձոյթով լեցուն սպասողական մի տեսակ դէմդիզմ, կանացի, կերպընկալ, անկայուն: Մեծ ցանկութիւն ապրելու: Բոլ- շեւիզմը նրա համար միջոց է ձեռք բերելու համար «կուլտուրական» կեանքի յարմարու- թիւնները, ու ներքնապէս աւելի բաժանում է ուսալդեան տեսակէտը սոցիալիզմի մասին՝ ե- սասիրական տեսակէտը, քան որեւէ ուրիշը: Սիրում է զեղեցիկ, օսկեզօծ կաղձերով գրքե- բը, Բիրդսլէի նկարները, Սալոմէն եւ պրե- ոսֆաներականները, Մոսկուան եւ իր դիւրա- մատչելի կանայք, իր բալետը, իր արուեստա- գէտների ազատ բարձրը: Հայաստանում ապրելը համարում է գերութիւն, պարտա- դրուած լուծ եւ հազար պատճառներ է գրտ- նում դուրս նետուելու համար: Իր հրապա- րակախօսութեան մէջ, սակայն, մնում է մո- լեռանդօրէն ուղղափառ, ծայրայեղ, անսիրտ: Իրականի մէջ թոյլ, կամազուրկ, տպաւորու- թիւններով տարուող մարդ է: Նախընտրում է արտիստների, գրողների ընկերութիւնը, սըր- ճարանի կեանքը, անիշխանական բարձրը եւ ճաշակով ընտրուած փողկապը:

Տանտիրուհին անհանգիստ չըջում է սեն- եակից սենեակ: Իշխանը հագուում է: Իշխանը հագուում է... Հիւրերը անմիջապէս լռում են, լըջնում, կուչ գալիս: Տիկինը, մեղր եւ կա- բազ քսած հացը ձեռքին, մտահոգ վերադառ- նում է եւ ցած ձայնով յայտնում. «Ոչինչ չի ուզում ուտել»... Մօտակայ սենեակից խուչ մըթմըթոց է լսւում. տիկինը հացը ձեռքին՝ վազում է ներս:

Նայում եմ չորս կողմը. ամէն ինչ՝ կահ կարասիները, անկողինը, սեղանի վրայ դըր- ուած ինքնաեռը՝ կառքի ճանապարհներէ կա- յանն է յիշեցնում: Ամէն ինչ ժամանակաւոր եւ պատահական բնոյթ է կրում: Ոչ մի մնա- յուն եւ հաստատուն բան: Անցք: Եւ այդպէս, գրեթէ բոլոր եկեղծների տուններում: Ամէնքս էլ նմանում ենք հեռաւոր գաղութներ մեկնած գործի մարդկանց, որոնք շտապում են իրենց պարտքը կատարել եւ շուտով տուն վերադառ- նալ: Իսկ տունը ո՞րտեղ է՝ ոչ ոք չի իմա- նում: Ոչ ոք ոչինչ չի իմանում: Հորիզոնը փը- լած է, անորոշը մեղ կլանում է եւ հոգին, ա- նապատի մէջ միայնակ կորած ուղտի նման իր